

Kimiad soudard va bro

Da zoudarded Menez Arre e kinnigan
ar c'himiad-man.

Troc'het e oa ar foenn, an eost a velene,
War ar gwez-avalou ar brankou a blego.

An holl a oa eürur. — « P'en em gavo ar goan,
A lare an dud koz, ni a harzo outan ! » —

Ar baotred 'huvree e kalz abadennoù,
Nozveziou, marvailhc u, marteze eureujou...

Koulskoude, an anken a rene war ar vro
Pa zeuas ar c'hleier da zon prim tro-war-dro.

Tra vantrus ! Tra skrijus, leun a zristidigez !
Petric 'weler neuze e meur a dïegez ?

Priejou o sellet an eil ouz egile ;
Daerou 'n o daoulagad, 'lenvont d'o bugale.

— Kenavo, tad ha mamm, kerent ha mignonned,
Mestrez karantezus, ha va Breiz venniget !

Ho kuitât a renkan... Ar Frans a zo aze,
Gervel 'ra ac'hanon da vonet d'an arme.

Me a ray va dlead el linennou pella ;
N'eus ket nemet Dœue am lakay da grena !

Ma teufen da goueza, dalc'hit sonj ac'hanon,
Lavarit da zant Yann eur bater evidon.

'N eur goueza kredit mat 'vin trec'h d'an enebour,
Va fuzul em douarn, skôet war va labour.

Ha bepred 'vo kanet e pep korn eus ar bed :
Biskoaz c'hoaz eur Breizad n'en deus het trahiset ! —

Er Fouilhée, er c'henta a viz eost 1914.

Ivonig PICARD.

183

Kimiad soudarded yaouank ar bloaveziou pemzek ha c'houezek

« N'eus netra kaeroc'h er bed
eget mervel evit difenn ar Vro. »
PER, roue ar « Serbi ».

Sant-Brieg, ar 25 a viz Kerzu 1914.

War-raok, o bugale, o Breiziz kalonek,
Re ar bloavez pemzek hag ar bloavez c'houezek !
Eus ar menez Arre, eus ar meneiou Du,
Eus an enezeu Vaz beteg ouf ar Pouldu,
An holl a renk sevel evit difenn arvro
'C'hoantaer da gemer, da wasta tro-war-dro.
Tenn e vo ar stourmad : Brusianed villiget
E pevar c'horn ar bed o devoa eñbannet :
« Ar Frans 'vo kabestret ha kaset da netra. »
Da c'hortoz e laeront broiou 'vit o saotra !
Ganto an ilizou 'vez dispennet, devet ;
An tiez diskaret, ar maeziou dismañtret ;
Gwall-breizata a reont dre ma c'hellont bale,
Laza ar re c'hloazet, mac'hagna bugale,
Divouzella merc'he'd pa ne reont ket gwasoc'h...
Paotred vad ar Frankiz, gouzany seurt banden moc'h (1)
'Zo beza torfetour, dare d'ar wazoniez !
Mont a refet eta en hevelep breuriez ?
Ho birviken !
Ho, birviken !!

Harz war ar Brusianed, enebourien d'an holl !
An nask war o fennou, war o goug ar gwakol !
Paotred Breiz, war ho hent ra vo d'ec'h avel vad ;
Ra baro 'us d'ho penn daouarn Doue an Tad !
Krogit 'ta en alar, ha railh d'ar c'hilhorou !
Troït, hadit irvi beteg an talarou ;
Ar greun a ziwano eun deiz evit hor bro,
Evel ar Bibl santel : ed mad, pell ha kolo.
'Kreiz ober ho tlead kalz a renko klenvel,
Diwaska poaniou kriz, beza gloazet,... mervel !
Ar vuhez, piou n'her goar, 'zo 'vel « Kan ar Rannou » :
Karget eo a c'hlac'hар, a wad hag a zaerou.
Met, pa vo deat an trec'h, e per ti 'vo gweet
Kurunen d'hor broiz 'vo en dachen kouezet ;
A-zioc'h d'al leuriou-kér, e-kreiz ar berejou
E vezogaranet, moulet o hanoiou,
Da dalvezout da skouer d'an holl remziou da zont
Ha da viret o sonj gant kalon hag hep spont
Da virviken !
Da virviken !!

Y. PICARD.

(1) Respet d'eoc'h